

欽定剿平三省邪匪方略

欽定剿平三省邪匪方略正編卷二百九十五

壬戌年

正月十二日

甲申

吳熊光全保長齡奏言查王曾

二逆暨藍青白各號餘匪自經

臣

等督飭孫清

元吉林泰由東截剿德昌王懋賞由西兜擊

臣

全保長齡從中路深入搜剿三路官兵互相犄

角隨剿隨進日有擒殺該匪大隊總在老林深

邃中東出西沒分合無定總兵德昌王懋賞率

同都司黑達色等帶領兵勇由油坊坪廟坪等處截擊斃賊八十餘名生擒四十七名搶獲刀矛旗幟二十餘杆餘匪敗折水牛沖北竄適

臣

全保長齡督飭副將朱士奉孫應奉等由麻灣馬家坪迎截前來賊匪正在摩天嶺鋸廠一帶希圖掠食官兵自後山衝下截剿賊匪慌忙奔逃立斃一百餘名生擒偽元帥周本善一名並

活賊三十八名搶獲刀矛旗幟等件餘匪四散  
鑽林遁逃當飭副將朱士奉等入山跟蹤搜捕  
訊據僞元帥周本善供稱戴四掌櫃前被官兵  
勦散後跟隨王曾股匪竄向巴東我帶二百多  
人在湖溪一帶老林藏躲衆人稱爲元帥原想  
歸附王曾大股合夥不料被官兵拿獲等語當  
將該犯立行臠割並德昌等一路活賊解送前

來訊出兇惡矛手鍾昌卓等共二十一名概行  
正法至王曾二逆東竄興山龍門河又據探報  
川匪二股東竄三溪河一帶將入楚境經臣等

原派興巴防守之同知尹英圖都司周言昇等  
帶領兵勇迎頭截擊並激勸該處寨民義勇齊  
心堵截共斃賊八十餘人賊卽西折由火峯山  
逃竄臣全保長齡由獐洛河上龕灣腰樹扼截

賊匪西竄老林之路孫清元吉林泰由羅坪抄  
截前進探得各股賊匪均在龍潭坪大礮西灣  
仙峯觀一帶散漫屯紮隨即分路進兵孫清元  
同總管托爾托保副將李天沐等馳抵馬碁口  
遙望賊匪在西灣仙峯觀一帶山梁屯聚該鎮  
帶領官兵奮力搶上賊衆倉皇失措翻仙峯觀  
遁逸兵勇趕上刀砍矛戳追殺四十餘里斃賊

一百七十八名生擒十四名吉林泰帶領叅將  
楊安等抄至界嶺該匪散而復聚佔據山梁滾  
石下壓吉林泰帶領兵勇分爲兩翼仰攻直上  
立斃當先執旗賊目乘勢搶上山梁憑高下壓  
匪衆滾崖跌死者不計其數餘衆由三溪河道  
逃官兵追至楊家山斃賊三百餘名割獲耳記  
一百十八副生擒六十七名散出男婦大小一

百十一名沿途拋棄旗械甚多餘匪均向觀音  
巖竄去前後共獲賊八十一名訊出黃號爲總  
兵李云章供稱王曾二逆因南山內無可覓食  
官兵又逼剿緊急適青號戴四掌櫃投往合營  
商量同赴巴東走至羅溪壩又遇樊姓陳姓二  
股俱在三岔羅溪壩合營行至興山巴東卡隘  
折回被官兵剿散並訊據僞先鋒吳甲雲供亦



相同當將該二犯凌遲其戴佑先等七十九名  
訊係從賊日人一併正法其餘逃出難民分別  
寧釋此時孫清元吉林泰已與續派前往協剿  
之副將朱士奉共帶兵勇五千餘名追剿入川  
如該匪等折回二竹臣全保長齡立即帶兵迎  
剿以收夾擊之效此時房竹南山內尚有潛匿  
餘匪自數十人至一二百人不等臣全保長齡

仍督飭德昌王懋真等分路入山設法搜捕務  
使剪除淨盡

吳熊光全保又奏言查楚北新設提督改移鄖

陽鎮協共應添兵三千五百名經前督

臣書麟

奏蒙

俞允

臣

等與長齡公同酌商若以無業鄉勇補充額

兵有盈無絀足敷安頓且既可收駕輕就熟之

效又得官爲鈐束不致流而爲匪

臣

等乘未經

撤兵之時卽令管帶鄉勇之員將各鄉勇花名

住址開造清冊訊明實無房產家室是否愿充

兵丁逐一註明先行呈核一俟大功底定除本

有田房妻室不愿入伍之人卽令該管將領將

鳥鎗刀矛等項器械收繳仍請折給一月口糧

并查明所有房間如已被賊焚燬照例給予房

價以示體卹而資復業其無房產又係隻身者  
此等民人隨地爲家卽可撥赴提鎮兩標入伍  
補額此外如無房產而有家口之人勢難卽離  
故土應令各歸各縣就近撥交竹山協及竹谿  
房縣二營補充兵數所需千把外委及額外等  
官卽於出力鄉勇首領內視其職銜大小酌量  
拔補令其管束訓練更爲親切得力至施南鄉

勇如有願赴提鎮二標入伍者固屬甚善倘無  
生計又欲回歸本鄉則施南並未添設兵額其  
情願入伍者應卽發交施南協作餘丁俟有缺  
出挨次挑補亦屬易於安插

吳熊光全保又奏言查嘉慶六年二月內前督  
臣書麟以襄陽控引河南之新野鄧州爲全楚  
北面門戶請設湖北提督一員駐劄襄陽統轄

全省標營除將襄陽鎮標原有官兵二千七百五十名撥歸提標外仍請添設兵九百十名其鄖陽一府控襄陽之上游界連河南川陝幅輳遼澗山林深阻請將原駐穀城之襄陽總兵移駐鄖陽府城改爲鄖陽鎮總兵所有舊設鄖陽協副將移駐竹山改爲竹山協副將其原有竹山營遊擊移駐房縣兼轄保康作爲鎮標左營

遊擊至竹谿向有遊擊一員改爲鎮標右營游  
擊仍駐竹谿核計鎮協各營除原有額兵二千  
一百七十九名外仍請添兵二千五百九十名  
總共添兵三千五百名並經書麟將添設移駐  
營制官弁兵丁開具清單奏蒙

皇上勅交軍機大臣議准在案

臣

等竊思此次添設

提督移駐鎮協各營節節俱有提鎮大員駐守

固足以嚴屏蔽而資控制惟二竹房縣界連川  
陝萬山重疊廣袤險要且五方雜處最易藏奸  
該三縣相距四川之大寧陝西之平利各有八  
九百里至千餘里不等卽本省西南邊界相去  
各縣治亦在五六百里之外實有鞭長莫及之  
勢且係賊擾最久鄉勇最多之處以現在情形  
而論自以二竹房縣爲重必當多添兵力以資



駕馭臣等再四籌商惟有於腹地各營內將前

議添設兵丁酌量抽撤歸八竹山協及竹谿房

縣二營於沿邊緊要隘口妥爲佈置庶足以昭

慎重而臻周密查房縣南接大寧山勢最爲深

險今擬於南路適中之上龕安設守備一員駐

兵一百二十名并於西南之九道梁東南之冷

盤垭各安設千總一員各駐兵六十名又竹山

南面亦與大寧聯界擬於適中之官渡安設守  
備一員駐兵一百二十名并於東南之洪坪安  
設千總一員駐兵一百名其西北之吉陽關與  
陝省白河洵陽交界犬牙相錯亦應安設千總  
一員駐兵六十名又竹谿縣爲陝省入楚門戶  
西通平利南界大寧應請於西南扼要之豐溪  
安設守備一員駐兵二百名并於東南之向家

壩安設千總一員駐兵一百名如此節節安設  
營汛不特沿邊要隘聲勢連絡并可各按段落  
稽查彈壓實於地方大有裨益核計添設沿邊  
各汛共需兵八百二十名應請於提鎮二標腹  
地各營內減六百六十名其不足之數卽於各  
本營湊撥安設再二竹房縣等屬尙有應行添  
設文員之處現在飭查有無冗員可以裁移另

行具奏

吳熊光又奏言現在大功即可告成惟官兵尙  
未能全撤且善後一切需費浩繁必須預爲籌  
計茲據湖南撫臣馬慧裕咨稱湖南捐監銀截  
至上年十一月已存十萬餘兩計至年底尙有  
續收約共可湊撥銀十五萬兩又據藩司孫玉  
庭稟稱湖北省所收捐監銀亦已存十萬餘兩

相應

奏明卽將南北兩省捐監銀兩就近撥作軍需

後之用

臣

仍嚴飭藩司等撙節支放斷不敢稍

任冒濫均奏入

上命軍機大臣傳諭吳熊光全保長齡曰此次王會  
戴各逆與川省竄來之陳樊股匪會合希圖牽綴  
官兵乘間東下窺伺歸州一帶經全保長齡及總

兵德昌王懋賞等帶兵抄截賊匪竄至仙峯觀一帶屯聚孫清元督率官兵奮力剿殺賊衆倉惶遁逸復經吉林泰帶兵幫剿前後共殲擒賊匪九百餘名并擒獲僞元帥僞總兵僞先鋒等逆所辦尙好惟餘匪向觀音巖一路竄去未能在楚省境內剪除淨盡其著名首逆亦未擒獲一名尙不滿意現在孫清元吉林泰與副將朱士奉已帶兵追剿

人川自應如此辦理昨據德楞泰奏到川省苟逆  
一股經官兵剿急欲由開縣雲陽竄往楚省現經  
德楞泰帶兵趕至大寧朝陽洞一帶抄出賊之東  
面迎截第恐路徑紛歧賊匪仍得乘間東竄孫清  
元吉林泰旣帶兵入川若苟逆與楚省竄匪會合  
更可先行協剿苟逆亦不必專注王曾戴樊陳等  
首逆總須無分畛域遇賊卽剿果能將苟逆匪黨

殲除淨盡則德楞泰必同汝等剿辦戴曾等逆此  
次孫清元吉林泰二人打仗尙屬出力俟將此股  
竄匪全數廓除必當加以懋賞吳熊光等當傳知  
伊二人倍加奮勉也至房竹南山內尙有潛匿餘  
匪自數十人至一二百人不等賊匪詭計百出此  
次所剿各逆其大夥已入川省而王曾戴陳樊各  
逆或轉潛匿楚省山內躲避亦未可定吳熊光等



當督率鎮將及地方官上緊搜捕隨處留心凡遇  
拿獲賊匪俱嚴切跟究勿致遠颺漏網如將該首  
逆等擒獲著加緊馳奏以慰厯注又據奏請酌撥  
餉銀一節昨已降旨馬慧裕令其撥銀十萬兩解  
湖北備用今吳熊光旣稱湖南捐監截至年底可  
以奏撥十五萬兩著將餘銀五萬兩一併解交湖  
北至湖北省捐監銀十萬兩自應留作本省軍需

善後之用亦著照吳熊光所請准其撥用此時楚  
省餉項充裕吳熊光等務須將軍餉源源接濟并  
撙節支放爲要又據奏酌籌安頓鄉勇一節各處  
鄉勇安頓之法亦惟補充額兵最爲正辦伊等旣  
入營伍卽可明示約束而所得鹽糧分例亦足敷  
養贍之用自不致流而爲匪但須查詢明確將愿  
充額兵者始令入伍亦不必稍有勉強其籌布沿

邊要隘營汛等事宜亦均照所請行

上又命軍機大臣傳諭馬慧裕曰朕因湖北軍營需用已諭令馬慧裕撥銀十萬兩解往湖北備用茲據吳熊光奏接到該撫札稱合計上年十二月續收尙可湊足十五萬兩除十萬兩業經撥解外著該撫再將所存銀五萬兩迅速解赴湖北交吳熊光以爲軍需善後之用

十四日<sup>丙戌</sup>勒保奏言賊首楊掌櫃股匪二百餘

人經<sup>臣</sup>與總兵張志林分兵兜擊該匪被追情

急仍在鄰水潭子壩地方合夥向大竹渠縣一

帶奔逃行走甚速官兵連日冒雨跟追因山路

渾滑不能間道抄截該匪由渠縣竄過廣安岳

池等處意欲偷渡渠河西竄適該境河水較深

所有往來船隻地方官一聞賊信早已禁泊西

岸賊匪不能跣渡折回達州所屬之木頭市適  
新寧東鄉一路有官兵擊敗零匪一股三四百  
人與該匪合夥三十口臣督兵行抵渠縣所屬  
之楊家場探得賊匪折回之信計楊家場至木  
頭市相距不過五六十里當卽策勵官兵連夜  
進發初一日辰刻師次二郎橋正遇賊匪翻山  
前來約有六百餘人我兵一擁而上鎗箭齊發

賊匪遇兵迎擊卽轉踞山梁負嵎屯聚

臣

察看

山路陡仄兵勇冒險進攻恐有傷損必須設法  
抄襲方可得手遂督同侍衛花品塔什拉副將  
倭星額等帶領兵勇在正路迎面敵住派令張  
志林率領副將李錦麟等分帶兵勇左右兩路  
夾攻又派令守備周仕貴等帶領兵勇順溝壩  
至半山先將亂草焚燒我兵乘勢進逼賊潰亂

四竄官兵搶上山梁分投追捕斃賊五十餘名  
生擒男婦八九十名口奪獲賊旗刀矛等件騾  
馬四頭匹當將所擒男婦查訊據活賊胡文發  
等供此股賊首楊掌櫃在右路坪被官兵剿敗  
所剩二百餘人連日逃走在木頭市地方遇著  
牟姓帶領三四百人由東鄉一路逃來彼此合  
夥今被官兵追剿楊掌櫃已經殺斃牟姓帶領

餘賊不知逃往何處等語當令指認楊掌櫃屍  
身割取首級又於賊屍內認出僞先鋒王青一  
併梟示其餘胡文發等五十二名係從賊日久  
之犯概行正法金啟萬張韓氏等三十七名口  
係脅從難民分別遞籍保釋所剩餘匪尙有四  
百餘人由梁山太竹交界之蒲包山新場分水  
嶺一帶奔竄有向雲萬之勢臣督兵緊躡追剿



路過梁山據該縣稟稱近日月股零匪二三百人由開縣竄來在梁墊交界之芝麻坪地方晝伏夜出查該境係屬川東腹地此股賊匪雖屬無多但官兵若盡向雲萬一路前進恐該匪等在腹地潛匿日久或又蔓延殊有關係必須分兵剿辦

臣

派張志林李錦麟等跟剿雲萬之賊

臣

督同花品塔什拉等就近搜捕芝麻坪另股

零匪總切分路殲除盡淨先清腹地至襄冲阿  
温春一路官兵在開縣之譚家壩挖井壩梓潼  
廟楠木岡及東鄉之土黃壩華光壩等處往來  
搜剿劉逆蹤跡適於開縣途次據寨民報稱該  
境柏木園有竄匪一股約有二三百人當派叅  
將馬元叅領春陞保等帶兵跟蹤追剿至韓朋  
壩地方趕及賊匪分道攻擊斃賊四十餘名生

擒男婦十三名口餘匪向魚溪溝一路奔逃馬  
元等一面跟追賽沖阿溫春一面向土黃壩一  
路兜截正在探蹤夾擊間復據該境寨民報稱  
有賊一股約四五百人由砲通山木旺坪竄蒲  
河一帶賽沖阿當卽分派總兵蒲尙佐叅將李  
東山沈洪等爲一路賽沖阿溫春督率侍衛富  
森德協領明德等帶領吉林馬隊爲一路直趨

前河迎頭截剿該匪卽向五寶場奔竄官兵乘勢攻撲斃賊四五十名該匪由前河晒渡復淹斃數十人餘匪奔上山梁賽冲阿等督率官兵追擊適馬元等亦由魚溪溝一路前來乘機夾擊將賊匪痛加剿殺是日官兵分路接仗三次共斃賊三百餘人生擒男婦六十三名口奪獲賊旗四桿刀矛一百九十七件騾馬二十餘頭

匹查訊活賊知韓朋埡所剿之賊實係劉逆在  
內被兵剿散劉逆已帶百餘人向南壩場一路  
奔逃五寶場所剿之賊係青號王姓不知其名  
當將所獲男婦解交東鄉縣聽候審辦賽冲阿  
等以劉逆爲重複又分路連日探蹤緊躡行至  
新寧八廟橋地方探得賊匪在涼風埡盤家槽  
等處游奕賽冲阿溫春等督率官兵直趨該境

截剿賊匪被兵剿急四散潛藏林箐之內官兵  
分投搜捕殲斃賊匪四十餘人生擒男婦二十  
九名口內有度選正一名衆賊指稱係首逆度  
向瑤之子訊據供稱係度向瑤胞姪認爲繼子  
還有親生子叫度文正在營管事度向瑤與湯  
思蛟係屬耶舅湯思蛟向來同劉潮選一路行  
走十月內被官兵緊剿湯思蛟帶四五十人逃

走妻子騾馬都留在劉朝選一路劉朝選帶有二百多人逃至葫蘆井遇著官兵打敗騾馬散盡妻子亦被官兵拿獲昨在溫湯井劉朝選帶五十餘人前來合營被官兵追來劉朝選帶十餘人從前面山上跑走我被拿住等語當卽分兵各處搜捕又將庋向瑤親子庋文正搜獲賽冲阿等當將所獲各犯分解達州新寧收明聽

候審辦適接叅贊德楞泰咨因開大一帶有另  
股賊匪調令前往探剿賽冲阿温春不便久住  
現已分諭附近團寨趕緊搜捕賽冲阿温春等  
卽帶兵由開縣向大寧一路進發等語查劉逆  
旣被剿散僅帶有十餘人其勢未必卽能遠竄

臣

現又嚴飭新寧梁山東鄉開縣等處督同團  
寨實力搜查務期弋獲其薛大烈一路據報連



日正在大寧太平山內探剿賊匪適接經畧額勒登保札飭因荷逆向東奔竄恐其逃入老林調令該鎮帶兵從雞鳴寺明通井一帶遏賊入山之路薛大烈卽移兵至雞鳴寺一帶堵剿該逆知該境有兵攔截不敢竄近卽由開縣東竄叅贊德楞泰又札調該鎮向白馬堯城一帶堵截薛大烈復遵照前往等語

臣

查此時荷文明

大股賊匪既已東奔李彬一股聞亦與之合夥而奉節巫山亦時有由楚竄來零匪出沒是日下夔府一路賊勢較重今德楞泰賽沖阿溫春薛大烈等各路官兵均已東行兵勢壯盛諒可剋期殲滅至格布舍楊芳一路經額勒登保已調回歸隊在太平邊境策應川東腹地僅有臣一旅之師共計兵勇二千餘名此時達州新寧

梁山太竹竿處既有零股賊匪必須逐一分路  
剿除方可安師他向奏入

上命軍機大臣等諭額勒登保德楞泰勒保曰此次  
賊首楊掌櫃帶領殘匪分路逃逸意欲偷渡渠河  
西竄因船隻已禁泊西岸不能躡渡折回經官兵  
趕上截剿斃賊僅止百餘雖將楊掌櫃殲斃而該  
逆亦非著名首犯無足重輕且餘匪仍有四百餘

人向梁山太竹一帶奔竄未能悉數剿淨不足爲  
慰至所稱賽冲阿等剿辦劉逆一股接仗三次共  
斃賊三百餘人劉逆僅帶十餘人敗竄一節昨已  
據德楞泰奏過此時賽冲阿溫春等正在四路搜  
查劉逆蹤跡因接德楞泰咨文卽帶兵向大寧一  
帶進發其薛大烈一路連日在大寧太平山內探  
剿賊匪又經額勒登保札調移兵至雞鳴寺一帶

堵剿在經畧叅贊自因苟逆一股賊數較多剿捕最爲緊要是以將賽冲阿薛大烈等調往協剿殊不思苟逆從前亦不過零星奔竄之賊伊等視爲無關緊要並未上緊剿辦以致該逆乘間裹脅遂成大股現在劉逆雖僅帶十餘人窮竄其在大寧太平山內藏匿之賊爲數亦屬無多但額勒登保德楞泰將賽冲阿薛大烈等紛紛調去則劉逆等

無人事辦安知其不又別滋勾結賊數日漸增多  
迨苟逆辦竣後而劉逆及大寧太平山內零匪豈  
不又來一苟逆乎況如摺內所稱由砲通山竄出  
之賊似此者諒復不少目前功屆垂成豈可任其  
散而復聚總當遇賊卽剿不予以暇其未經蹂躪  
地方斷不可令其闖入若能隨地剿淨餘黨悉除  
則首逆自無難克期擒獲轉不必專注渠魁致零

匪稍有疎縱一俟擒獲首逆卽迅速馳奏以慰屬  
注

同日惠齡長麟奏言臣惠齡前於行抵西安時

因距漢陰地方寫遠尙未得賊匪過江之信嗣

於鳳翔途次接據漢陰廳稟報臣等當卽折回

東路剿辦行抵扶風鎮據署寧陝鎮副將韓自

昌稟報已將過江賊匪截回西竄得有勝仗查

明此股賊首係宋應伏李貴成自川省竄入西  
鄉漢陰交界由總兵劉瑞汎地躡淺過江臣等

於二十九日趕抵子午峪據報辛聰賊匪本與  
劉永受合夥奔竄經提督楊遇春在鳳縣屬之  
王家場剿散後辛聰率領餘匪折竄棧西仍由  
黑河逃赴寧羌礪橋溝一帶提督慶成聞知趕  
至與賊接仗拏獲辛聰之師曾賢章偽總兵張



天潮殲斃賊匪百餘人生擒五十餘名止剩百餘人連夜逃遁已由毛壩竄回川境其劉永受股匪經通判雒昂在寧陝曲家溝剿殺多名餘匪二三百人向東逃竄至抱龍石礪等峪內藏匿副都統慶溥帶兵抄至東面攔截該匪旋即折回西竄<sub>臣</sub>等當經札詢楊遇春現由何路進兵以便趕往會辦嗣接楊遇春覆信以賊匪雖

向西趨總在北面一帶道近沿山峪口若

臣等

一經入山則北面無人照料賊匪轉得竄擾平

原囑令

臣

等卽在北面各峪口悉力堵截使賊

匪不能竄出平原則伊等剿辦方能得力等語

臣

卽於正月初一日拔營由北面沿山一帶向

西移進探蹤堵剿初二日趕抵盤屋縣屬之赤

峪田峪等處投聞該匪正向峪口奔竄

臣等卽

趕往迎剿該匪翻山西竄臣等一面派委軍標

遊擊馬得劉英魁馳赴新峪口兜截臣等亦卽

趕至黑水峪探剿該匪又向老君嶺一帶奔赴

西南查老君嶺仍可北竄卽縣斜峪關直達寶

雞桃號二川臣等相機扼要總期顧住北面不

令竄擾平原現在慶溥雒昂并楊遇春所派叅

將張超吳廷剛等三路兵勇分投兜截不難迅

就殄除其宋應伏等賊匪自被韓自昌剿敗後  
該匪又分爲兩股折竄寧陝漢陰交界之天仙  
堂龍王溝等處並未與劉逆合夥韓自昌現仍  
緊躡賊蹤竭力追剿慶成所派叅將吳亨衍亦  
由石泉前來正可迎擊楊遇春一面派撥叅將  
張超等協剿劉逆賊匪一面自行帶兵趕赴寧  
陝四畝地截剿宋應伏等賊匪諒此敗殘餘孽

一經接仗無難全數掃除

臣

等惟有會商楊遇

春督飭各鎮將趕緊搜捕俾南山以內早就肅

清上紓

宸厯至南山卡隘均已安設齊全但地方遼濶東西  
綿亘二千餘里南北亦將及千里以六千兵勇  
分布各營汛每一營汛相隔或百餘里或二三  
百里其間層巒疊嶂樹密林深此次幸聰劉永

受等股查明實係翻越大山老林潛遁入山並未經由卡隘再

臣

惠齡詳查五郎新設各營汛

均在南山以內南山北面七十二峪勢難處處

安兵前經原任西安將軍恒瑞奏明遇有賊匪

竄近峪口就近撥派軍標官兵趕赴堵截俟賊

匪去遠仍復撤回此次賊匪竄近子午等峪口

臣

等因本未帶有官兵當即與署將軍祥保商

派軍標官兵八百名臣等帶領在於各峪口一帶防堵此外並無別路官兵奏入

上命軍機大臣傳諭惠齡長麟曰劉永受宋應伏等賊匪此時並未合夥爲數無多但必須剿洗淨盡方爲肅清若任其在山內往來奔竄轉瞬卽屆春深賊匪又得隨處掠食何時始能竣事乎惠齡等此時以賊匪向峪口奔竄一面派員赴辛峪口兜

截一面自行趕至黑峪口探剿總期顧住北面不  
令竄擾平原所見甚是賊匪在山外奔竄時自應  
嚴密防堵不令入山若旣已入山必當在山內就  
地剿淨勿令再有奔軼或致闌入未經蹂躪之區  
惠齡等當督飭各將領等上緊搜拿迅速辦淨至  
南山卡隘旣稱安設齊全自必聲勢相連豈賊匪  
經過之地皆係無兵處所耶又摺內稱惠齡等本



未帶有官兵現調軍標兵八百名在各峪口防堵  
該處峪口甚多祇有軍標八百名恐未足深恃惠  
齡等再當於就近各營酌量調派以資剿辦

十六日

戊子

額勒登保奏言

臣

自將王山餘匪掃

除後仍於東太一帶偵探零匪發兵剿捕乃賊  
匪聞風遠避疊據探報周圍一二百里內並無  
賊蹤德楞泰所剿苟逆股匪竄大寧老林後亦

尙無折竄之信惟叅將朱槐遊擊劉健標等自  
奉派追剿李彬殘匪後於上月二十六日行抵  
通江之東濫溝據民人報稱現有零星賊匪一  
二百人於平合子地方緊倚山林藏匿夜間潛  
出擄掠朱槐劉健標等料係李彬賊匪遂率領  
兵勇連夜進發二十七日黎明時趕至平合子  
兵勇分路奮力進剿賊匪不敢抗拒當卽殲斃

三十餘名生擒二十六名奪獲刀矛二十餘件

餘匪向林箐內四散逃遁朱槐等一面將所獲

各犯派撥兵勇解送

臣

營一面由黃厰溝翻山

至竹峪關一帶緊追搜剿

臣

將各犯逐一訊問

內有偽總兵朱潤一名矛手楊奉華等十七名

據稱李彬前被官兵疊次剿敗只剩一百數十

人向川陝邊界躲避奔逃昨日到平台子偵聽

附近無兵是以在此屯劄不料官兵到來我被

擒獲等語

臣

當飭將該犯等卽行分別凌遲正

法其實係被脅未久者七名立予釋放查李彬

係緊要首逆現已竄近竹峪關一帶恐其向東

奔逃

臣

一面仍飭該將備等速卽併力剿捕一

面率同札克塔爾等由潔藻河姚家壩一帶探

蹤兜剿初二日晚間進抵亭子廟復據叅將朱

槐等報稱二十九日至朱陽廟探知賊匪於蕭家坡潛行屯劄相隔五十餘里都司余步雲魏尊德帶領兵勇由明埡子進發繞上蕭家坡山頂從上壓下守備管繼祥千總李文貴從大智帶領兵勇於周家山設伏要截叅將朱槐守備歐凱等由小園子潛蹤進剿時已薄暮朱槐等帶兵先到賊匪正於民房內藏匿一聞兵來卽

向山坡樹林逃遁適余步雲等帶兵由山梁壓  
下殺斃賊匪四十餘名生擒二十三名賊匪奪  
路狂奔又經守條管繼祥等截住擒斬八九人  
該守備因有首逆在內奮力上前擒拿賊匪拋  
擲石塊管繼祥已帶石傷復猝受矛傷均不甚  
重首逆李彬率領夥黨四五十人奔上山林連  
夜疾遁朱槐余步雲管繼祥等仍將獲犯解送

臣

營均卽訊明分別辦理現探得該匪由兩河

柳林溪陳家壩一帶逃竄此一帶山深林密隨

處可以竄逃其蹤跡更難尋覓朱槐劉健標等

現將所帶兵勇或百餘名或數十名分爲數路

尋蹤搜捕并傳知該寨祠民人協同官兵一律

盤緝連日接據巴州儀隴蒼溪各地方官稟報

有苟文明之弟苟文芳率領零匪二三百人在

巴儀界內奔竄經寨首陳朝會等率衆截剿殺斃二十八名生擒十三名該匪現竄巴南境內又總兵田朝貴所剿魏張股匪四五百人竄至巴州之新場該州千總陳安邦帶領鄉勇截擊殺賊十餘名田朝貴現由岳家坪青崗渡取道追剿賊匪向通南之長池壩奔竄臣均隨時飭令各該州縣鼓勵鄉團奮力剿捕並發給銀餼



銀牌將出力鄉團量予獎賞現又派令副將蕭  
福祿遊擊李東宣會同侍衛彥丕勒達春阿等  
帶領兵勇一千餘名前往通巴一帶協同剿辦  
將各零匪剋期掃除

臣

飛探東面各股賊蹤一

有折寬之信卽帶兵取道迎剿并督催田朝貴  
蕭福祿朱槐等將西面賊匪趕緊搜剿西面一

經寧謚則

臣

更可專注東面之賊以便與德楞

泰勒保等併力集事再近日接據穆克登布稟  
報十二月十四五等日有賊一股三百餘人由  
川界竄至陝境魚棚子八仙河一帶穆克登布  
桑吉斯塔爾率同遊擊閻俊烈桑漢等分路進  
剿投賊六十餘名生擒三十一名內有偽總兵  
艾彩堂一名餘賊向山林逃遁訊據獲犯供稱  
係唐大信李顯必股內餘匪艾彩堂袁思明爲

首本要逃往湖北不料到處有兵截剿艾彩堂  
已被拿獲等供十六日穆克登布等率同桑漢  
閻俊烈等探蹤追捕復殺賊三十餘名生擒十  
一名有賊目袁思明率領夥黨五六十人赴營  
投誠穆克登布察其情狀屬實遂卽收留管押  
臣  
已飭知穆克登布卽將袁思明等遵

旨免死訊明原籍有無產業就近交平利縣安插至

楊遇春所剿竄過漢江賊匪三四百人已往鎮  
安鳳凰嘴一帶奔逸楊遇春於十七日由野竹  
坪一帶進發計期正可截擊日內曾否剿捕完  
竣尙未報到又聞辛劉股匪業已分竄劉永受  
竄至寧陝之小曲灣經慶薄維昂各領兵勇殲  
斃數十人尙餘二百餘人現在緊追剿殺辛逆  
二百餘人由沔縣地界折竄鐵鎖關於黑夜翻

山行走慶成相距較近已探蹤剿捕再臣於三

十日路過太平有薛大烈所派遊擊桂涵於大

竹河木旺山追剿零匪殲殺數十人生擒二十

七名將獲犯解送太平審辦臣卽飭太平縣鍾

蟠雲審明逆犯十人卽行正法其餘被脅未久

者解回原籍安業奏入

上命軍機大臣傳諭額勒登保曰此次額勒登保分

派官兵搜捕餘匪雖有新獲俱係零星竄匪且李  
彬一股爲數本屬無多額勒登保若遴派得力鎮  
將多帶兵勇緊躡追剿無難早行辦淨乃閱摺內  
所派叅將朱槐遊擊劉健標守備管繼祥等俱非  
平日知名勇幹將領在朱槐等旣經派令剿賊自  
必思擒一賊首勉力立功但辦理總覺遲緩守備  
管繼祥因上前擒拿賊匪致被賊傷尙屬奮勉該

員如續有出力之處著額勒登保再行保奏候朕  
加恩陞用剿捕教匪一事辦理已逾六載豈可再  
有稽延上年額勒登保奏請減撤東三省官兵彼  
時朕以額勒登保必係胸有成見無難指日歲功  
是以准行今以敗殘零匪尙復輾轉稽誅耽延時  
日倘賊匪或更滋蔓豈將已撤勁兵再行徵調成  
何事體賊匪一日不淨殺戮一日不止官兵尙或

有不殺賊之時賊匪斷不能不荼毒百姓現在正  
遇年節瑞雪應時日來天氣清和舉行令節典禮  
諸凡順遂但朕一念及該處黎元尙遭蹂躪未登  
衽席深爲惻然哀愍總之目下各股均係零星殘  
敗之賊若能於正二月內掃除淨盡奏凱還朝不  
特朕稍紓宵旰爾等亦可回京長受恩眷豈不甚  
善倘稍有延玩朕不但不能加恩并將爾等從重



治罪不稍寬貸并回京亦不可得稟之慎之

同日陸有仁奏言前自漢陰過江之賊經韓自  
昌剿敗後由西北車家溝一帶竄至寧陝之七  
里溝復經叅將同福帶兵趕到擒殲十數名賊  
分兩股向漢陰安康邊界奔竄韓自昌帶領兵  
勇由椿榆壩一帶向西兜擊叅將吳亨衍之兵  
卽自泰山廟蹣跚追剿至此股賊匪係由川省

竄至漢陰偷渡過江並非自湖北竄入又賊目  
劉永受一股由鄆縣太平峪竄至盤屋縣陰家  
坡翻林西遁通判雒昂率勇由黑水峪一帶迎  
頭截擊慶溥帶領兵勇緊躡追剿元旦在盤屋  
景峪地方得有勝仗殺賊四五十名楊遇春之  
兵亦正在隨地探蹤督剿日內當可合力掃除  
其辛逆股匪經慶成剿敗後竄至寧羌平巖坊

一帶老林副將舒隆阿隨帶兵衝入林內殲獲  
十數名賊卽連夜翻山由王家埡走馬梁奔竄  
復經叅將李殿元帶兵掩襲殺賊十餘名賊卽  
潛竄廣元縣境慶成帶兵趕赴徐家坪板蒼壩  
一帶抗截又通江縣屬零匪一股竄近南鄭縣  
之花石梁經查寨委員阿齡阿等督率寨勇用  
鎗礮轟擊斃賊數名餘匪卽折竄南江縣境又

西鄉邊界降渡山一帶竄入賊匪一股經總兵  
張鳳帶兵截擊並查寨委員余春溥率勇協助  
稍有斬獲餘匪亦折竄太平縣境經畧額勒登  
保因苟逆賊匪已被官兵剿散現在分股逃竄  
卽統領大兵回至西鄉萃草河居中督剿臣查  
陝省境內惟南山餘匪二股未除此外已無另  
股之賊現在山內兵多賊少若果趕緊剿辦自

不難剋日殲除

臣

節次咨催楊遇春慶溥韓自

昌並嚴飭通判雒昂及各路帶兵將弁務須挑

帶奮勇官兵穿林入箐晝夜窮追不弔賊以片

刻之暇仍飛飭各地方官鼓勵寨勇到處協擊

以助聲勢無論官兵鄉勇有超衆出力將賊匪

一鼓剿除並擒獲出名首逆

臣

卽一面奏請

恩施一面另爲捐給重賞總期於正月內一律辦竣

肅清山境以期仰慰

聖懷再

臣

接准慶成咨會前於礪橋溝地方截剿辛

聰股匪先擒大掌櫃曾賢章一名移解

臣

處審

辦

臣

查閱慶成原奏有犯供辛聰等赴川別有

邀結之語恐川省尙有伏而未起教匪是以該

犯欲前往勾結當卽親提研鞠據曾賢章供稱

係湖北襄陽縣人嘉慶元年卽隨同齊王氏張

添倫起事後復與徒弟辛聰合營上年十一月  
同辛聰在四川又與劉起榮之子劉永受合夥  
由寧羌竄入棧道被楊提督官兵打敗劉永受  
嗔罵辛聰不肯出力辛聰就與劉永受分開我  
同辛聰只帶有二三百人官兵追趕得緊因張  
添倫現在四川地方想要與他合營不料到寧  
羌又遇官兵將我同總兵劉學富拿住我前次

所供赴川別有邀結就指張添倫而言等語查該犯係隨同齊張等逆首先起事之人罪大惡極今已審訊明確當卽將該犯綁赴市曹凌遲處死訖奏入

上命軍機大臣傳諭陸有仁曰陸有仁督辦糧餉原不責以衝鋒打仗之事而該省帶兵大員及各將弁等何人奮勉立功認真剿賊何人心存怠緩因



循畏蒞陸有仁近在同省見聞必確著卽詳細訪  
查據實密奏毋稍諱飾至各路糧餉關係緊要已  
降旨諭令伯麟佶山那蘇圖等於山西捐監并兩  
淮長蘆商捐項內各撥銀十萬兩共三十萬兩迅  
速遴委妥員解往陝省交陸有仁收貯備用該省  
軍需極爲充裕陸有仁惟當督飭經手人員撙節  
支放源源供運毋致缺乏并嚴查局員勿令稍有

侵冒爲要

上又命軍機大臣傳諭伯麟佑山那蘇圖曰現在大  
功指日告竣陝省一切善後事宜需用尙繁著傳  
諭伯麟佑山那蘇圖卽撥山西捐監銀十萬兩兩  
淮商捐銀十萬兩長蘆商捐銀十萬兩解赴陝省  
交陸有仁收貯備用

欽定剿平三省邪匪方畧正編卷二百九十六

壬戌年

正月十七日

巳丑

德楞泰奏言

臣

昨因總兵薛大

烈副將李應貴等帶兵在姚成壩關廟山趕剿

苟文明賊匪該匪向青灣子奔逃

臣

取道紅池

壩入山自東而北向湯家壩遏其東竄入楚之

路恐該逆狂竄直奔入楚卽帶兵趕行初一日

入山抵紅池壩初二日至木碗坪地方接據薛

大烈等稟報探得苟逆山開縣之雙河口鐘鼓  
溪竄走帶兵連日趕追二十九日該逆冒雪折  
向偏坡嶺有走雪泡山之勢薛大烈與副都統  
銜達斯呼爾岱副將李應貴張績等籌商分兵  
三路兜剿達斯呼爾岱遊擊晉之連都司馬成  
林羅英等帶領馬步官兵設伏於雙河口以截  
賊匪折竄之路李應貴遊擊李應元蒲佑盛等

帶領兵勇從左手而進抄出賊前以截雪泡山  
之路副將張績叅將羅聲臯遊擊胡定邦張拱  
辰等帶領兵勇由右手而進薛大烈帶兵由中  
路相機策應迨兵抵青灣子趕上賊尾有守後  
戰手數百人一見官兵卽據險抗拒我兵奮勇  
直前鎗箭齊發立殺七八十名時李應貴等帶  
兵抄出來擊又殺賊四五十名拿獲活賊張順

等六十五名賊遂折向偏坡嶺遁逃我兵追趕至炕香巖路窄雪深賊匪擁擠不開兵勇刀砍矛戳痛加剿殺又斃賊百餘有滾巖而死者有奪路自相戳殺者驟馬滾巖及戳死者無數官兵乘勝窮追賊匪惟知狂奔並不拒敵沿途又復殺賊二百餘人生擒李相義等九十三名剿賊衝爲三起一起三百餘人向十里坪前竄一

起七八百人走小團城朝陽坪而逃一起百餘人向西流溪遁逸薛大烈等復分投追襲各路又共殺賊六七十名生擒劉學文等五十餘名各匪連夜冒雪奔竄計此次共殺賊五百餘名生擒二百餘名奪獲賊旗刀矛馬騾無數獲犯內訊出旗手曹應功周山珍等二名查訊苟逆下落均稱該逆聽見官兵殺來先行逃走不知

何往又有張維吉等八名訊係李彬股匪被官兵剿散零星附入或稱李彬在內或稱自行潛逃詰之曹應功等供詞亦屬游移是皆係頑梗不化老賊概行正法旋據各路探報該逆賊衆是夜俱竄至香萼灣聚集將騾馬盡行宰殺分割其肉各自背負裹帶向黃栢廠貝母池老山遁逃中途樹林內復有賊匪自縊死者四十餘



人等語查黃栢廠貝母池老山叢密勢極險峻  
綿長數百里絕無人烟冬令冰雪愈大馬匹萬  
難行走故該逆被剿窮極盡宰馬騾以爲乾糧  
冀圖苟延殘喘該處西北通太平縣屬之新開  
場濛濛溪又通雞鳴寺薛大烈等酌派兵勇尾  
追親帶馬步兵勇由寒水溪走太平之雞鳴寺  
甕坪抄出菜子壩紅花梁一帶迎頭截剿如該

逆竄出夾山壩

臣

業已督率達勒精阿色爾滾

武隆阿豐紳馬瑜蘇爾伸等帶兵趕至東面以

截住入楚之路設或北走陝境經畧額勒登保

現由大竹河城口前進亦可就近探剿刻下苟

逆勢已衰殘故冒雪遁入黃栢廠老山連日大

雪未止天氣嚴寒山中百姓均歸洞寨不能擄

掠且三面俱有兵力兜截正是人尊其能使之

自投絕地仰仗

天威一經兜剿即可掃除淨盡初三日

臣

帶兵行至

大寧屬之加當灣又接准賽冲阿温春等來信

前在新定潘家槽剿殺劉潮選賊股因該首逆

只同十餘人潛藏分兵通行搜捕二十四日在

老鴉冲搜獲賊匪姚成志等五名內有虜文正

一犯係度向瑤長子訊稱與劉潮選同行至涼

風埡地方我暫躲在草窩裏他不知何往二十  
五日又搜獲賊匪余宗貴等二名亦稱各自逃  
生不知劉逆去向均已正法所有附近百里內  
外山林巖溝連日徧搜無影賽冲阿温春蒲尙  
佐等以全股賊衆搜剿已盡惟首逆劉潮選一

犯在逃不值以大兵搜捕被其牽綴

臣

查該逆

只同一賊在新定梁山界上之涼風埡潛逃卽

飛飭梁山新定二縣並附近之達州東鄉大竹  
宣縣開縣速派幹練差役壯勇協同各鄉團於  
所屬境內深山窮谷之中鄉場市鎮逐處嚴密  
搜拿如能將該首逆搜捕獲者立即奏請

恩施獎勵倘敢視為海捕具文一經別處拿獲究出

由河縣潛匿竄逸定將該縣查叅並札飭總理

知府趙秉淵遵照辦理

臣

隨又飛移賚冲阿等

卽帶兵先由開縣之溫湯井至馬家營一帶搜捕零匪囑其留意樊人傑等首逆下落該逆勢窮力竭不能隻身逃遁又不能聚集多人或附其內苟延殘喘亦未可定並令其探明苟逆賊蹤倘由姚成壩原路折竄又可迎頭截剿與薛大烈等收兩面夾擊之效

臣

緊顧東面現在帶

兵由湯家壩桐油壩後坪一帶進剿此次打仗

並無陣亡帶傷兵勇事機極爲順暢至苟文明

賊股係臣奏明專交七十五剿辦緣其時臣在

川楚界上分路趕辦龍紹周大股賊衆正當喫  
緊之際兵力不能兼顧不料七十五不能痛剿  
遂致該逆輾轉奔竄入甘七十五固有應得之

罪臣亦難辭咎應請

旨將臣一併交部嚴加議處奏入

上命軍機大臣傳諭德楞泰曰此次苟逆由開縣之  
雙河口一帶奔竄德楞泰卽催令薛大烈等分三  
路兜剿冒雪進兵先後共殺賊五百餘名生擒二  
百餘名賊勢潰敗辦理甚好著賞給德楞泰王太  
吉四喜葫蘆牌王喜字搬指大小荷包至薛大烈  
達斯呼爾岱李應貴張積相機追捕伊四人奮勇  
可嘉俟辦理苟逆一股完竣卽奏明再加恩獎又



劉湖選一股在新寧潘家槽地方潛藏賽沖阿等  
於山林巖溝連日搜捕雖未能將首逆生擒而全  
股賊衆業已殲洗無遺所辦尙好賽沖阿溫春蒲  
尙佐著加恩交部議敘并發去玉搬指大小荷包  
小刀鼻煙壺各十件交德楞額泰賞給帶兵出力將  
弁其打仗兵勇均衝寒冒雪晝夜奔馳備形辛苦  
著發去一兩重銀牌二百面五錢重銀牌二百面

交德楞泰分賞軍營出力兵勇以示鼓勵此時苟  
逆股匪被剿緊急勢已殘敗據稱賊匪遁入黃栢  
廠老山自縊死者四十餘人苟逆或卽在其內亦  
未可定卽該逆尙延殘喘然已自投絕地無食可  
掠又有三面兵力兜截正是極好機會自無難立  
就擒縛德楞泰務當督飭將弁奮力加緊剿辦斷  
不可再任他竄致稽顯戮統俟捷音馳到共膺懋

實至劉湖選一犯夥黨業已剿除淨盡僅與二匪同逃原不值以大兵全力搜捕惟當曉諭各寨峒民人上緊嚴密緝拿如能將劉逆設計擒獻不但可邀重賞并立時給與官職現在劉逆股匪業已完竣所有派剿之賽冲阿温春蒲尙佐等著卽移兵幫剿苟逆探蹤截擊與薛大烈等收兩面夾攻之益至黃面紅裏奏摺與紅旗露布無異馳到後

卽據以宣示中外德楞泰等務須通盤籌畫大局  
果係戡定餘匪剿剩無幾當遵前旨加緊馳奏其  
一切搜捕善後事宜若僅交地方官專辦恐不足  
恃德楞泰本係成都將軍自應督率經理務俾全  
境肅清餘氛殄滅卽或至春盡夏初來京亦未爲  
遲再薛大烈原係專辦湯思蛟一股今德楞泰將  
伊調來協剿苟逆其湯逆股匪會否派人接辦著

卽詳悉具奏樊人傑一犯著德楞泰查明該逆的  
實下落派員搜獲毋任漏網又據奏因七十五辦  
賊遲延未能先事查察自請嚴議一節德楞泰身  
爲叅贊自應如此奏請但七十五業經從寬革職  
作爲兵丁此次德楞泰追剿苟逆調度有方成功  
在卽所有自請嚴議之處著加恩寬免

同日

上命軍機大臣傳諭顏檢陸有仁曰現在大功指日  
告竣陝省善後事宜需用尙繁昨已諭令伯麟估  
山那蘇圖等各撥銀十萬兩解交陝省應用各該  
省相距陝省較遠恐一時不能解到著顏檢卽將  
該省此次捐監銀十萬兩遴委妥員迅速解往先  
交陸有仁收貯備用至陝省軍需又得此項銀兩  
接濟益形寬裕陸有仁惟當督飭屬員撙節支放

源源供運毋得稍有侵冒爲要

二十日壬辰勒保奏言臣師次梁山據報該縣所

屬之芝麻坪有零股賊匪潛匿滋擾該境係屬

腹地必須先爲剿淨當令總兵張志林分帶兵

勇先向開縣一路進發追剿餘匪臣帶兵在梁

山境內剿辦芝麻坪之賊初五日行抵平林鋪

探得賊匪已起竄黃家場派令副將倭星額遊

擊門繼春陳龍驤陳元龍等帶領兵勇探蹤進剿臣督同侍衛花品塔什拉遊擊馬龍等催攢

馬步官兵繼進約行三十餘里至關口山該處山梁與黃家場之山對峙僅相隔十餘里我兵纔上關口山賊匪約有二百餘人正在對面山梁屯聚望見官兵卽吶喊起竄我兵趕緊跟蹤追捕翻過兩重大山後殺賊三四十名生擒旗



手蘇添賜李高明及男婦四十九名餘匪向成

功寺翻山竄走

臣

一面飭令花品塔什拉等帶

領兵勇跟蹤緊躡一面親提活賊蘇添賜等查

訊據供此起係湯思蛟股內夥匪上年冬月在

太平境內被官兵剿散湯思蛟不知何往我們

在馬家營山內藏匿零星聚合二百餘人青號

白號俱有並無賊首統領只有我與李高明係

屬旗手管領衆人從東鄉開縣一帶竄來各處  
打撈摸樁被官兵拿住等語查所獲男婦內有  
婦女十一口幼孩十名係大竹梁山新擄之人  
當卽解縣保釋其餘俱係戰手概行正法訖

臣

仍督官兵由開元寺沙樹灣斑竹園等處連日  
窮追該匪晝夜狂奔官兵跟追二百餘里初八  
日追至達州所屬風硐子地方探得賊匪僅剩

四五十人在附近山坳藏匿臣當派倭星額門

繼春畢萬年分帶兵勇抄出賊前臣督同花昂

塔什拉等催兵前進該匪聞信起竄適與倭星

額等相遇官兵前後圍剿將賊匪悉數殲除又

該匪在黃家場追散後分出四五十人竄近梁

山所屬之福星寨經寨民丁芳和等率衆堵擊

鎗斃賊匪八名生擒李永芳等十八名尙有一

二十人棄械散竄無蹤諸寨民將所擒活賊解  
營查該寨民等於賊匪竄近時卽能與官兵協  
力剿捕實屬出力可嘉際此辦理團練之時更

當優加賞資俾資激勸

臣

當給銀牌紬疋並面

加獎勵所獲賊匪卽行訊明正法此股賊匪旣  
淨梁塾新達一帶腹地均已肅清此時川省大  
局西北有額勒登保帶兵兼顧聲勢已壯而德

楞泰若追賊出境奉節巫山大寧一帶零星股  
匪尙多各路官兵無人統率恐其覲望鬆勁

臣

現在由開縣取道向夔府一路進發既可策應  
張志林所剿之賊又可就近督催賽冲阿温春  
薛大烈等將奉節巫山大寧等處零星竄匪次  
第肅清奏入

上命軍機大臣傳諭勒保曰此次勒保督率官兵將

湯思蛟股內夥匪悉數殲除所辦尙好惟首逆湯  
思蛟未經擒獲自當探明下落速爲搜捕諒該逆  
亦不過在附近山坳潛匿勒保應分派勇幹將并  
實力搜捕並曉諭各該處寨民團勇隨時盤詰查  
拿若能將湯思蛟縛獻必當加以重賞並量給官  
職其劉朝選李彬二首逆亦著上緊搜捕毋令漏  
網但不可注意三名首逆置餘賊於不辦又令彼

奏成大股此時勒保已由開縣向夔府一路進發  
正可督催張志林及賚冲阿溫春薛大烈等將奉  
節巫山大寧等處零星賊匪上緊殲淨總當遇賊  
卽剿不遺餘力務於正二月內將川境一律肅清  
竄膺懋賞再前據吳熊光等奏王會戴各逆會合  
樊陳股匪敗逃川省巫山地界孫清元等已帶兵  
追剿入川此股由楚竄川之賊現在竄至川省何

處地方孫清元等會否趕上截擊該督現赴川東  
卽著就近查明馳奏

二十二日甲午額勒登保言查李彬殘匪自經

叅將朱槐等於通江平合子蕭家坡一帶疊加  
斬獲後該匪只剩四十餘人由南江之小南山  
菜子寺火天崗一帶亡命奔逃叅將朱槐都司  
余步雲守備管繼祥等各帶兵勇兼程追捕沿



逮斬獲數人樹林內自縊者八九人初五日早  
聞趕抵太平山拿獲賊夥中散出賊匪二名據  
稱李彬於二十九日在蕭家坡被官兵衝散時  
卽已隻身他往不知去向先鋒鮮奉宇帶領餘  
黨三十餘人於昨晚逃到太平山陳家屋內商  
量同到地方官處投首五更時都已四散等語  
朱槐等趕至陳姓屋內復加察探見有賊人折

斷長矛十數根而賊匪已無蹤跡朱槐等以首  
逆李彬旣已他遁餘黨又復四散不能尋蹤追  
捕遂將兵勇撤至鶯嘴巖另探賊蹤據該處民  
人報稱有賊匪百數十人由廣元之大黑灘一  
帶竄來現在登碑垭並有逃出難民云係辛逆  
股匪朱槐余步雲管繼祥等遂商定分兵兩路  
乘夜進擊三更時朱槐同守備管繼祥歐凱帶

領兵勇由大佛寺烏斗坪迎遇賊前都司余步  
雲魏尊德守備祝鳳鳴職員戴廷棟千總李文  
貴等帶領兵勇由關門子鷲頂嶺繞至賊後朱  
槐等兵抵登碑堦天色黎明賊已起竄由五寶  
山直向老林奔逃朱槐管繼祥帶兵追趕賊匪  
佔踞高坡拚命抗拒我兵鎗箭齊發斃賊數人  
賊匪退上山梁適余步雲魏尊德祝鳳鳴戴廷

棟等帶領兵勇由關門子五寶山抄出遂與朱槐管繼祥等併力圍殺斬獲三十餘人當有左國舉等二十餘名棄械跪投首逆辛聰率領五六十人尙復猛力衝突各將備等奮不顧身鼓勇力敵經鄉勇頭目王方軍功白雲及散勇黃明蕭學文任太和等將首逆辛聰生獲並有偽總兵張上元先鋒陳尙志旗手張國盈及餘匪

日馳抵西鄉之漁渡壩顧住西北探蹤迎截現  
在德楞泰顧住東面由高官寺城口一帶兜截  
前來陝省邊境安康之六道河等處有總兵穆  
克登布等在彼防剿西紫之王黑壩瓦房店一  
帶又有總兵汪啟胡定泰帶兵防剿臣亦經飛  
飭該鎮等偵探賊蹤併力迎剿該匪連旬以來  
於深山老林中亡命奔走不遑掠食輒將馬騾

宰食可見其窮蹙已極現有此數路官兵兜截  
旬日之間定可就地掃滅此股一經辦竣則此  
外實無大股所有零星散竄之賊分投搜捕尙  
易爲力大局即可戡定再頃據穆克登布桑吉  
斯塔爾呈報初三日有賊匪數百人翻過界嶺  
竄至巖家溝穆克登布等率領將弁兵勇分路  
迎擊斬戮七八十人生擒三十三名賊匪竄匿

老林兵勇正於林內搜捕忽附近之蛇嘴子有  
伏賊突出兵勇受傷者三人穆克登布督率遊  
擊閻俊烈等奮力衝殺立斃三十餘名生擒十  
七名餘匪四散奔竄兵勇等分路追殺又斃賊  
四十餘名生擒二十八名餘匪百餘人零星逃  
遁仍翻界嶺入川天色已晚將官兵撤回斑鳩  
關查訊獲犯七十八名內有僞先鋒李青一名

偽總兵陳元奉一名據供係張子聰餘匪由界嶺逃入陝境均係積年陳賊卽一併正法又總

兵田朝貴所糾張魏賊匪數百人聞竄至蒼黃

地界

臣

又派令副將蕭福祿等帶兵由通南前

進既可探聽張魏賊蹤與田朝貴協力殲除更

可將西面零匪趕緊殄滅現接陸有仁來信云

過江賊匪係宋應伏李貴成二人爲首由西北



一帶奔竄楊遇春慶溥韓自昌等各帶官兵節次趕剿均有斬獲合計該匪與劉永受等賊人數不過四五百名楊遇春慶溥等兵力數倍於賊自不肯稍涉遲緩臣復疊次催令趕緊剿辦務於正月內肅清漢北以便騰出兵力搜剿各處零匪及早戴功至首逆李彬隻身奔竄不過荷延茂喘現又傳知各路營卡寨民分投搜緝

務期弋獲以邀厚賞再查叅將朱槐都司余步雲守備管繼祥等前此派令帶領兵勇五百餘名追剿李彬股匪現在該股匪除節次擒斬之外所餘無多業經解散惟首逆李彬一人逃逸茲又生擒首逆辛聰並將夥黨一股殄滅該將備等實屬奮勉已結除叅將朱槐本有巴圖魯花翎應暫緩獎賞外都司余步雲現戴藍翎應

懇

賞換花翎守備管繼祥應懇

賞戴花翎從九品職銜戴廷棟  
總李文貴鄉勇頭  
目王方三員名均懇

賞戴藍翎使派出各路剿賊官兵咸知奮勉可否如  
此鼓勵之處出自

天恩奏入

上命軍機大臣傳諭額勒登保曰辛聰係老教首逆  
與張漢潮等同時起事在川楚地方肆擾有年今  
經額勒登保督率將弁跟蹤追捕奮力截擊將辛  
聰一犯生擒並僞總兵張士元先鋒陳尙志旗手  
張國盈等餘匪悉數殄除李彬一股亦經官兵趕  
剿全行辦竣首逆隻身逃竄定可卽日搜獲所辦  
俟好額勒登保著賞給四喜玉搬指玉大吉葫蘆